

瀛環志略


十


1482
2016
10



北亞呂 2
2016
卷 10止


北亞墨利加
南境各國圖





武定黃道圖

南境各國圖
北亞墨利加



北亞墨比

南竟各國圖



北亞墨利加南境各國

墨西哥一作美詩哥。又作墨是哥。又作墨西哥。又作墨西利。又作墨西果。又作麥悉哥。又作默西可。北亞墨利加之

西南境也。北界米利堅荒地。東界米利堅得撒。距大西洋海。西

距大洋海南界危地馬拉。地形漸南漸削。由西北而掉於東南。

長約萬里。極北廣約三千里。極南不過四五百里。煙山自西北

來。此山在米利堅西界稱落磯大山。在墨西哥稱煙山。因火峰

最多故也。自危地馬拉以南。至南亞墨利加之極南境。皆稱

相連。斯大山。實則一脈。貫國中如脊。火峰甚多。大者有四。煙燄

常灼霄。漢地震最烈。陵谷時時易形。北境平漫。有草無木。居民

牧牛以百萬億計。衣食皆取給於牛。秋高草枯。或投炬曠野中。

延燒輒數十百里。南境在山東者多沙磧。山西土田肥沃。百卉



繁生西國果實皆備。河之長者曰巴拉富Barra Fina曰哥羅拉多Colorado曰索諾Sono拉La曰薩比那Sabina迤北頗寒。迤南濱海一帶炎熱異常。內地漸高。熱漸減。高至四五百丈。則和適如中原。物產無多。惟烏木紅木牙蘭米香料。而大利則在於銀。其山產礦最王。攻礦之廠三千餘所。各國行用番銀。出於墨西哥者蓋三分之二。云初北亞墨利加一土。自米利堅Merica以北。皆野番雜處。不成部落。惟墨西哥早建為國。有城邑有壇廟。有王有官。肖物形而作字。有律例。地有廢城極大。云是千餘年前古跡。不知何代何名也。明宏治初明宏治初西班牙遣可倫探尋新地。知墨西哥為金穴。又稔其國無備。正德十六年遣其將哥爾德斯Corde率兵攻之。震以炮火。墨西哥潰敗。國遂

為西班牙所據。西人連踪西來。入山掘礦。流布雜居。戶口日益繁盛。每歲得番銀一千數百萬圓。西班牙以此驟富。乾隆末年華盛頓畔英吉利自立為米利堅國。墨西哥羨之。嘉慶十五年畔西班牙。西班牙征之九年。方克復。甫一歲。又畔。立部人義都爾爾北達為王。道光三年廢國王。分為十五部。各推擇官司理事。近年又分為二十三部。其制大略。倣米利堅。而疆界未定。法制不立。諸部不免內訌。與米利堅有治亂之分焉。墨西哥本西班牙所改建。故語言文字與西班牙同。其人分三種。一曰西人。皆西班牙流寓。實為地主。戶多殷富。俗尚奢靡。錦衣駿馬。遨遊都市。一曰土人。面紫色。匾鼻大骨。以耕田為業。資

蔬菜以餬口。家多貧乏。不飲酒者恒壽考。西人徵其口率之賦。而不與之往來。一曰雜人。白黑人嫁娶所生。居民共計八百萬。丁皆奉洋教。大部十九首曰墨西哥。在南境跨大山之東西。都城在其中曰達拉爾般。傑構雲連。殿堂整肅。居民十二萬。其地山川秀發。花樹繁茂。風景清絕。惟地形低窪。湖瀦漲溢。時受水患。次曰給勤打羅。曰瓜那寂阿多。會城皆同名。曰迷刷干會。城名瓦拉多黎。曰沙黎斯哥。會城名瓜達拉沙刺。曰薩加德架。會城同名。曰索諾拉。會城名維拉德佛爾的。曰濟華花。曰都郎額。會城皆同名。曰卓哈回拉。會城名蒙哥羅瓦。曰新良會城名。蒙德勒。曰達毛黎巴。會城名阿瓜約。曰桑盧意斯波多塞。曰委

拉古盧斯。曰布委巴拉。曰華沙加。會城皆同名。曰濟阿巴。會城名盧達勒阿爾。曰巴達斯哥。會城名三的阿各。曰干加敦。一單。又作。會城名美里達。小部四。曰加里佛爾尼亞。會城名桑加爾蒙德雷。曰新墨西哥。會城名三達非。曰達拉斯加拉。曰哥黎麻。會城皆同名。瓜達拉沙刺城附近銀山。礦徒所萃。居民七萬。英佛諸國富商。多出資開礦。厥然費用浩繁。獲利無幾。亞加補羅可。西地之大海口。昔時西班牙。每歲有高船來此貿易。取道於南亞墨利加。鐵耳聶離之南。風濤極險。自西班牙棄地之後。帆檣絕蹟。生意微矣。真十字架。東地之大埔頭。建於沙灘。敞闊無港澳。海船停泊。往往遭風擱淺。然貿易極繁盛。

三 寸眉月 歲

按南亞墨利加西畔各國。舊皆西班牙屬藩。而以墨西哥為網領。墨西哥自古建國。不同米利堅之榛狂。西班牙豔其寶藏。奪而有之。由此銀甕東來。享其利者數百年。自古長駕遠馭。必氣力足以包舉。而後長為我有。聲威一挫。不免生心。西班牙自遭佛郎西之禍。內變迭生。衰亂日甚。境內或稱勝廣。海外安問。叢他微米利堅之先導。墨西哥諸國。其能終為西人有乎。墨西哥擁土自擅。全效米利堅。而治忽殊途。顯晦異轍。則無華盛頓其人。以為之渠也。立國規模。固全在乎初始之人哉。

得撒 一作德沙 又作特極 又名費勒多尼亞 在墨西哥之東 米利堅之西

南。南面距海。長廣皆約千里。地平如砥。田土極腴。草木暢茂。穀果皆宜。巴拉窩河由此入海。地氣溫和可居。惟煙戶尚稀。與草叢林中有瘴氣。舊本墨西哥曠土。康熙二十六年。佛郎西人嘗欲開其地。事未果。康熙三十二年。西班牙人據之。米利堅無業游民亦麇至。後墨西哥畔。西班牙得撒亦效之。附於墨西哥之卓哈回拉部。道光九年。畔墨西哥。墨西哥征之六年。不能服。乃聽其自立為國。無國王。推擇官司理事。分為二十七小部。曰阿拉巴麻。曰巴刺塞里亞。曰哥羅拉多。曰古曼治。曰哥里牙。曰公薩勒。曰阿黎斯不里。曰厚斯敦。曰倭斯卑爾。曰日非勒孫。曰刺巴加。曰黎卑爾的。曰麻的荷爾達。曰迷郎。曰迷蘭。曰米那。曰那

阿拉巴麻 阿黎斯不里 厚斯敦 倭斯卑爾 日非勒孫 刺巴加 黎卑爾的 麻的荷爾達 迷郎 迷蘭 米那 那

哥多士曰勒黎委爾曰勒夫日約曰薩比那曰三達古斯的音
曰三當多尼亞曰桑非里卑曰桑巴的黎西約曰達那哈曰達
拉委曰瓦盛敦都城曰奧斯的音建於巴拉索河濱貿易頗盛
土產以木料為主

危地馬拉在墨西哥之東南地形愈狹且隔於兩海之間自西
北而東南長約三千六百里廣處約千里地形中高外坦安達
斯山通貫如脊火峰甚多有晝夜不熄者有忽吐忽熄者西境
炎熱人多患瘡東境溫平可居惟地震頻仍時虞覆壓地本屬
西班牙迨墨西哥畔西班牙危地馬拉附墨西哥後墨西哥廢
國王危地馬拉於道光四年自立為國不屬於墨西哥近年分


為五國各推官司理事不立國王曰危地馬拉國長約一千
廣約四百里會城名新危地馬拉曰桑薩爾瓦多耳國地形曲
折難計里數會城與國同名曰關都拉斯國長約一千二百餘
里廣約五百里會城名哥麻牙瓜曰尼加拉瓜國長廣皆一百
八十里會城名良曰哥斯德爾黎加國東西約六百里南北約
四百里會城名桑若塞五國土皆膏腴穀果豐碩產金銀珍珠
琥珀雲母木料顏料香料藥材牛皮○危地馬拉濱海諸山產
材木極堅緻價甚貴英人結隊入山搜採業此者四千餘人
危地馬拉之東南為南北亞墨利加連界之地名巴拿馬地屬
亞細亞一綫界隔兩海闊僅六十里泰西人謂能將此土開為海

道則東西兩洋混為一水掛帆而西直抵中國之東界便捷甚矣然地梗山脊疏鑿不易泰西人亦僅存其說未能興此大役也


按歐羅巴至中國道途之紆遠阻於阿非利加紅海地中海之間隔蘇爾士旱路一百七十里若疏為海道則水程減二萬里米利堅至中國道途之紆遠阻於巴拿馬片土若疏為海道則西行而抵中國之東水程當減三萬餘里兩土之人謀疏鑿者非一日矣然開河道易開海道難且兩地之限隔天地之所以界畫東西也今欲以人力鑿之不亦僥乎

南亞墨利 加各國圖







亞墨利加
 洲各圖圖




南亞墨味

南亞墨味

渡邊春之





南亞墨利加各國

可倫比亞一作可倫巴。又作金加西臘。南亞墨利加極北境也。西北至巴拿馬與危地馬拉接壤。北距大西洋海。西距大洋海。東界英吉利新地。東南界巴西。西南界秘魯。縱橫皆約五千里。西境安達斯大山疊峙。有高峰二百餘丈。又有火峰。時吐煙。東境平原廣坦。河道縱橫。以阿利諾馬加他為最大。海濱酷熱。水土不馴。內地漸高。溫平可居。明宏治十五年。西班牙遣其臣コリコニヒユス可倫比亞コロンビヤ先取此土。建三部。曰新加拉那大加拉那大之訛。即新加拉架。曰基多。各置大酋領之。嘉慶十五年。部人波里瓦爾率眾逐西班牙三部守臣。搆兵八年。西班牙不能克復。遂自立為可倫比亞。

國道光十一年仍舊三部分為三國。曰新加拉那大。曰厄瓜爾。ニウカウカラナ。ニウアア。厄瓜爾。多。曰委內瑞辣。各有酋長。不相統屬。戶口不繁。半皆西班牙流寓。俗偷惰。好賭博。田屋蕩盡。勿悔。男女皆衣素。伉儷最篤。婦女不許入面。或闕觀。則挾刃相仇。土人別為種族。性悍獷而陰狼。地產加非白糖。煙葉。靛餅。山產銀銅。銀有四坑。取之不竭。河產金沙珍珠寶石。○新加拉那大國。在西北境。由巴拿馬一綫。與北亞墨利加相連。長約三千里。廣約二千五百里。地氣濕熱。北方為甚。田土腴沃。物產豐饒。地分十八部。曰波哥大。都城建於平原。與部名同。曰安的育基亞。會城名墨德零。曰內巴。會城同名。曰馬黎濟大。會城名紅大。曰波巴馬。曰巴斯多。會城皆同名。

曰不哀那温都拉。會城名義斯官德。曰說各。會城名基波多。曰巴拿馬。會城同名。曰委拉瓜。會城名三。的亞哥委拉瓜。曰加爾達日那。曰蒙波士。曰三連麻爾大。曰里約合拉。曰冬日。曰邦不羅那。曰索各羅。會城皆同名。曰加薩那勒。會城名波勒。○厄瓜爾多。在新加拉那大之南。南界祕魯。東接巴西。縱橫皆約三千里。西界有連山。餘多平壤。地氣温平。土田腴沃。貿易繁盛。地分八部。曰北晉作。都城建山谷中。名基多。曰井波拉索。會城名約里邦巴。曰英巴不拉。會城名義巴粒。曰瓜亞基爾。會城同名。曰馬那比。會城名波爾多維也若。曰官加。曰羅沙。曰倭音。會城皆同名。○委內瑞辣。在二國之東。南界巴西。長約三千五百里。廣

約二千五百里。大河橫帶國中。河北多平原。炎熱殊甚。河南多山。溫和可居。土田腴厚。物產極豐。地分十二部。曰加拉架都城。建山谷中。與部名同。曰加拉波波。會城名瓦梭西亞。曰馬拉該。波曰哥羅。曰都靈。詩羅曰美黎達。曰瓦黎那。會城皆同名。曰亞不勒。會城名亞沙瓜。曰瓜牙那。會城名昂哥斯都拉。曰古麻那。曰巴爾塞羅那。會城皆同名。曰馬爾加黎太。會城名亞松桑。秘魯。或作尼魯。一作李靈。南亞墨利加名國也。舊與玻利非亞合為一國。今分北界可倫比亞。東界巴西。南界玻利非亞。西距大洋海。長約五千三百里。廣約二千六百餘里。安達斯大山自西北來。環國之西界如帶。山以西。浮沙浸海。斥磧不毛。山以東。

橫嶺錯出。拓為平原。或高於平地百餘丈。故山下炎蒸。而嶺上恒積冰雪。其間膏腴之土。蔬穀皆宜。因地產金銀。舉國以攻礦為業。農事全荒。恒苦饑饉。其地自古為土番建國。風俗與墨西哥可倫比亞同。西班牙既得可倫比亞。開秘魯銀礦。尤王。嘉靖四年。命比薩羅亞爾馬哥羅等。懸軍深入。軍士或顛墜層崖。或失路餓死。顧以大利所在。堅不肯舍。已而抵其國都。番王不識戰鬪。懾於炮火。竄伏不敢與爭。國遂為西班牙所據。西人群來攻礦。生聚日繁。鎮以大酋。歲收金銀益國用。所得多於墨西哥。嘉慶十三年。西班牙為佛郎西所困。屬藩多畔。秘魯欲畔。而畏西班牙兵多。猶豫不決。道光元年。與智利合兵。逐西班牙守者。

遂自立為國。推擇長官理事。不立國王。居民皆西人苗裔。善待遠客。溫藹可親。惟好逸好賭。與可倫比亞同俗。貿易諸事。倩他國人為之。土人為西人所制。艱於衣食。能釀酒。終日沈醉。其物產金銀之外。兼產銅鉛水銀胡椒甘蔗棉花藥材樹膠顏料香料。地分七部。曰利馬。都城建於利馬河濱。與部名同。曰阿勒基。曰不諾。曰古斯。各會城皆同名。曰阿牙古。說會城名瓜忙加。曰入凝。會城名華奴哥。曰利卑爾達。會城名都靈。詩羅玻利非亞。一作摩理威那。又名高祕魯。在祕魯之東南。東北界巴西。東南隅界巴拉圭。南界拉巴拉他。西南隅界智利。西距大洋海。縱橫皆約三千里。安達斯山大幹走西界。別支分岐入東

界。在西界者火峰不熄。在東界者峭削參天。常積冰雪。土壤西瘠東腴。地氣風俗物產與祕魯同。其地與祕魯舊本一國。俗名高祕魯。而呼祕魯。為下祕魯。道光五年。乃別立為玻利非亞國。自推擇長官。不立國王。分六部。曰朱基薩加。都城建於平原。名乍爾加斯。曰巴斯。會城名巴斯達牙古叔。曰荷魯羅。曰波多西。曰哥沙那巴。曰三達古靈斯。會城皆同名。波多西銀礦最王。自西人初開至今。得銀七萬二千萬有奇。

按字露。即祕魯。為南亞墨利加著名之國。泰西人著書。早豔稱之。以其為金穴也。其民謂地中有寶。不屑耕稼。故土壤鞠為茂草。有懷金而啼。饑者米利堅。產穀棉。而以富稱。祕魯諸國。

產金銀而以貧聞金玉非寶稼穡維寶古訓昭然荒裔其能或異哉

智利一作濟利在玻利非亞之西南東阻安達斯大山隣拉巴又作治里拉他西距大洋海東南接巴他巽拿地形狹長如帶南北約四千五百里東西約四百餘里東面峻嶺橫雲高處常積冰雪有火峰數處多地震海岸高下時時易形山產金銀銅礦每歲得銀八十餘萬兩得黃金值銀五十餘萬兩紅銅尤多山西沿海一帶土田肥沃五穀蔬菜果實皆宜其民雖多攻礦而以農功為重故夙稱富庶異於祕魯之荒本逐末初西班牙既獲祕魯嘉靖十五年命亞爾馬哥羅進攻智利土人拒戰不肯降越四

載復命瓦爾的維亞進攻得地無幾嘉靖三十年瓦爾的維亞為阿老干人所殺西班牙以其所得之地附祕魯阿老干者智利別部之最强者也乾隆三十八年西班牙始滅智利得其全土而阿老干一部始終未附智利幅員褊小非祕魯諸國比然土沃鑛旺西班牙獨珍視之嘉慶十五年西班牙為佛郎西所困亞墨利加諸藩部皆畔智利亦閉境自專後西班牙以大隊伐之智利兵敗求援於拉巴拉他拉巴拉他助以兵力西班牙始退去其民俗溫和好客女有姿容善音樂地分八部曰散地牙我都城建於多波加爾馬河岸深林之中與部名同曰阿公加瓜會城名桑非里卑曰哥因英波會城同名曰哥爾作瓜會

瀛環志略

卷十

計眉目哉

城名古黎各。曰卯勒。會城名高給尼斯。曰公塞桑。曰瓦爾的維亞。會城皆同名。曰濟靈哀。會城名桑加爾靈斯。

按西洋諸國行用番銀。成色高者歐羅巴。印度所鑄。其常行者分四種。曰墨西哥。曰祕魯。曰玻利非亞。曰智利。成色高下不同。粵東人能辨之。閩人不能辨也。但稱為呂宋番。又稱鷹仔番。

拉巴拉他。一作李臘達。又作巴拉大河。在智利之東。隔以安達斯山。北界玻利非亞。東界巴拉圭。南距大西洋海。西南界巴他我拿。長約四千五百里。廣約三千里。境內有大江。與國同名。北里可馬。若佰默。若兩河匯之。由東南入大西洋海。

口闊九十里。西北有山嶺。餘皆蕩平如砥。舊本野番部落。明正德四年。西班牙命索利斯攻取之。鎮以大酋。其地荒草無垠。雜以荆棘叢林。西班牙人初至其地。以牝牡牛數十縱之於野。歲久孽息。不知幾千萬億。四境之內。皆野牛。居民七十萬。耕作者少。但以捕牛為業。食其肉。寢其皮。製其骨為器。地亦有馬。騎馬馳草莽中。以逐牛。海口通商甚廣。出入貨價。每歲以數千萬圓計。皆牛皮所交易也。嘉慶十三年。部人逐。西班牙守者自立為國。效米利堅。推擇統領。稱無攝亞墨利加國。然法制不立。規模草草。亦終於蠻荒而已。地分十四部。曰不宜諾塞利。一作捕都城。建於巴拉大河濱。與部名同。曰音德勒里約斯。會城名巴

沙大。曰哥連德。曰三連非。曰哥爾多瓦。曰三的牙哥尼。斯德羅。

曰都古曼。曰薩爾達。曰如鏡。曰加連馬爾架。曰里約。倭。曰桑若。

漢。曰桑盧意斯。曰門多薩。會城皆同名。

巴拉圭。或作巴拉非。又南亞墨利加小國也。間於巴西。拉巴拉。

他之間。長約一千七八百里。廣約八百里。地形斗絕。內拓平原。

湖河淤灌。土多腴沃。明嘉靖五年。意大利人塞巴斯德。夾加波。

初開其地。越九載。為西班牙所奪。昇洋教師管理。不設官。乾隆

三十二年。逐洋教師。隸於拉巴拉他。迨拉巴拉他。畔西班牙。巴

拉圭亦自立為國。時有歐羅巴文士居巴拉圭。巴拉圭人推為

酋長。其人陰鷲。有權略。誅暴除奸。土人畏服。國雖小而張。其隣

不敢侵。地分二十小部。部名太詳產牙蘭米。甘蔗。棉花。藍靛。煙。葉。蠶

蜜。大黃。血竭。桂皮。又產土茶。啜之能醉人。

烏拉非在巴拉圭之南。東界巴西。南距大西洋海。西北兩面界

拉巴拉他。長一千二百五十里。廣一千三百里。南方山阜。紆蟠

北方則平原坦闊。內哥羅塞波拉的。巴拉大。烏拉非。諸河交貫。

田土肥饒。物產極豐。舊本拉巴拉他地。後為巴西所奪。名曰昔

斯巴拉的那。道光六年。部人畔巴西。自立為國。推擇官司理事。

分九部。曰蒙德維羅。其都城也。曰馬爾多那多。曰加內羅內斯。

曰桑若塞。曰哥羅尼亞。曰索黎亞奴。曰白三都。曰都拉各奴。曰

塞靈拉爾疇。

十二 討眉日載

巴西一作巴西。又作伯爾西。又作南亞墨利加大國也。地居南亞墨利加一洲之半。北東兩面距大西洋海。西北界可倫比亞西界秘魯玻利非亞。西南界巴拉圭烏拉非。縱橫皆約九千里。地勢平曠。間有山嶺紆盤。亦不甚高。江河多而長。最大者曰亞馬孫。自西而東。口門似海。曰凡悉。自南而北。曰烏路。愚愛。自北而南。兩河之大。亞於亞馬孫。皆流入大西洋海。其餘小河不可勝數。明宏治十三年。葡萄牙人伯得祿阿爾瓦利斯。探得其地。見其土沃而曠。徙國人墾闢之。後葡萄牙為西班牙所并。巴西亦為荷蘭所奪。鳩居五十餘年。葡萄牙復國後。悉銳渡海。逐荷蘭人。益開阡陌。買阿非黑奴助耕作。生聚二百餘年。遂為海西

大部產棉花白糖煙葉。加非可代茶飲。紅木牛皮藥材。又出金沙金剛鑽各色寶石。地力甚厚。百穀皆宜。惜戶口未繁。農作不力。已墾之土。不過十之二三。餘則蓬蒿雜。選林莽。陰翳。奇形之獸。不知名之鳥。恆譎之蟲。蛇飛走出。沒於其間。雖有珍異之產。掩於穢墟。無由自獻。西人惜之。嘉慶年間。葡萄牙王為佛郎西王拿破侖所逼。逃至巴西。佛師退。歸國尋卒。其子伯德祿留王巴西。遣女歸王。嗣王不諳巴俗。巴西人迫王歸。嗣立其世子為王。國之貴人相助為理由。是別為海西大國。不屬於葡萄牙。其國至道光年間。戶口約四百萬。葡人八十萬。雜類四十萬。白黑人嫁黑民十五萬。黑奴子孫黑奴百餘萬。土人暨遠方各聚所生。贖為民者。

白黑人嫁黑民十五萬。黑奴子孫黑奴百餘萬。土人暨遠方各聚所生。贖為民者。

國之人七十餘萬。葡人多及時行樂。遊燕自娛。力作皆黑民為之。養之甚厚。故無叛逃。地分十八部。曰里約熱內靈。一作牙都 城建於海濱。與部名同。廷廟峻麗。市廛環匝。百貨填溢。學館醫院皆備。人戶一百五十萬。高船蟻集。為通國大埔頭。海門廣闊。風物清美。商旅羨為樂土。曰勝寶靈。會城同名。曰三達加達里。會城名德斯德羅。曰勝伯德祿。會城名伯爾達勒。給勒。曰馬的。曰羅素。曰荷阿斯。會城皆同名。曰迷那日來斯。會城名額羅。不雷多。曰斯不黎多。三多。會城名維多里亞。曰巴義亞。會城同名。亦大埔頭。夙稱富庶。居民好賭成俗。盜賊肆行。時殺人於昏夜。曰塞爾日貝。會城名勝基利斯多望。曰阿拉荷瓦斯。會城同

名。曰伯爾能。不各。會城名勒西非。居民七萬。地平坦。豐草叢林相雜。其民騎馬獵野牛為生。與拉巴拉他同俗。曰巴來羅。會城同名。曰止里約哥蘭的。會城名達那里。曰西阿拉。會城同名。曰標意。會城名荷滅辣斯。曰馬拉娘。會城名勝盧義斯。曰加郎巴。拉。會城名伯零。巴國腹地。產金沙銅鑽寶石。其民陟。馱。沒。河。搜。尋寶藏。不務農功。往。往。絕糧。餓死。土人悍獷。近獸。戶口甚稀。巴西北境濱海。地名歪阿那。一作古牙那 有三國所關新地。佛郎西新地在東。曰加夜那。長約一千六百里。廣約一千一百里。產丁香番木。其地叢林密匝。瘴氣最毒。到者輒染病死。佛國免死罪人。流徙於此。荷蘭新地在中。曰蘇利南。長約七百五十里。廣約

十四 對峙 附

六百五十里。會城曰巴拉馬利波。地多水澤。產白糖加非。貿易頗盛。黑奴多逃入山林。誘土番為盜劫。英吉利新地在西。與可倫比亞連界。長約一千里。廣約三百八十里。本荷蘭所闢地。英人奪而有之。分三部。曰特默拉拉。曰義斯給波。曰北爾彼塞。土雖沃而半屬塗泥。英人募阿非黑人來此修田。工費太鉅。獲利無幾。亦產白糖加非。

巴他我拿。一作八的哥尼阿。又作智加。又作巴羅那。南亞墨利加之極南境。即世所傳之長人國。地形如襪。北界拉巴拉他。智利。東距大西洋海。西距大洋海。南距南海。南北約三千餘里。東西半之。其地草木荒穢。人皆野番。肢體長大如常人。一身有半。遍體生毛。攫食野

獸。不成部落。亦不與他國往來。地氣嚴寒。如北亞墨利加之北境。又別無物產。故歐羅巴諸國括地至此。未嘗過而一問也。極南臨海之地。冰雪常凝。對峙一島。曰鐵耳聶離依休勾。中隔一港。曰麥哲論。昔時商船駛往智利。秘魯者。由麥哲論港西行。因港內多礁。近年率取道於鐵耳聶離之南。狂風迅烈。昏霧迷漫。濤瀧之猛惡。倍於大浪。山舟過人。額手喜若更生。

按泰西人所記。四大土人。惟巴他我拿土番。肢體長大。異於別種。然亦不過高於常人一身之半。較長狄之身。橫畝眉。見軼者。猶相懸萬萬也。此外黝黑如阿非利加。醜怪如東南洋各島野番。亦不過白黑妍媸之別。而五官四體。要無大異。

乃知長耳比肩之民飛頭貫胸之國古人故為恢奇之說而世或從而信之不亦慎乎


乃知長耳比肩之民飛頭貫胸之國古人故為恢奇之說而世或從而信之不亦慎乎


南北要墨利加

海灣群島奇




澎湖羣島
南北要圖





大洋西

臺灣群島
 南北洋界



南北亞墨利加海灣群島

北亞墨利加之南。南亞墨利加之北。細峽相連。自西北而東南。作灣環外向之勢。其東北有大小數百島。星羅碁布。西北起米利堅佛勒爾勒登部之東南隅。東南迄可倫比亞之東北隅。作灣環內向之勢。兩灣中間之海。名曰加勒前明中葉。西班牙遣可倫駕船覓新地。地無主。名夙聞海外有五印度國。即云欲到五印度。西行數月。忽睹群島。譁然以為抵印度矣。遂稱之曰西印度。而不知印度在東方。與群島無涉也。西船初到時。擇群島腴壤。開設埔頭。誘交土番。謀墾闢。後察知土番昏惰。又強不可使。遂以兵力勦鋤。無子遺。別買阿非利加黑奴。墾田播穀。農務

漸興。其後復得墨西哥。秘魯諸大國。歲致金銀數十百萬。視群島如敝屣。不屑經營。久之為海盜所據。出沒剽掠。商旅患之。已而歐羅巴諸國接踵西來。紛紛爭據。群島遂各有所屬。西班牙之外。曰英吉利。曰佛郎西。曰荷蘭。曰噠國。曰瑞國。群島氣候極溫。與亞細亞南海諸島相似。島之大者。多有火峯。火漿時時迸流。地震頻仍。每秋冬。暴風驟起。沙石俱飛。所產者。棉花。酒。白糖。加非。可子。

西班牙屬島曰古巴。在佛勒爾勒釐之南。地形狹長。東西二千七百里。南北約五百里。群島之最大者。岡陵重疊。土壤腴厚。物產豐盈。西人昔時不甚措意。近來藩國皆叛。僅餘此島。乃珍重。

培護倚為外府。居民七十萬。內黑奴二十八萬。產白糖。加非。酒。煙。金。銀。銅。鐵。水晶。吸鐵石。每年運出之貨。值二千萬圓。地分三部。曰西部會城曰哈瓦那。居民十萬。所造之煙最香烈。諸國爭購之。曰中部會城曰三達馬里亞。曰東部會城曰三的牙額。○又一島曰波爾多黎各。又名貴港口。在海地島之東。長約五百里。廣約一百五十里。地不廣而物產尤豐。力作皆白人。黑奴甚少。每歲運出之貨。值銀二百四十萬兩。

英吉利屬島。牙買加較大。在古巴之南。島有山。山下溪澗縱橫。足資灌溉。土又膏腴。故其地農功最盛。舊會城遭地震風災而毀。新立會城曰京敦迤。西有巴巴突島。白人所居。其土磽瘠。○

東方之島。總名安的列斯群島。曰安地馬亞。曰吉英人舊所據守。曰多米尼加。曰多巴。英人新創。又特尼答島較大。附近可命此亞東北隅。此外附近各小島尚多。英人擇要戍守。各島物產饒裕。居民多有餘資。競起樓閣。時時宴飲。○北方有巴哈麻群島。又迤東有百爾慕他群島。大小凡數百島。氣候溫晴。而物產殊少。無可貿遷。故英人不甚重之。

佛郎西屬島。在安的列斯群島之中。曰馬年的尼加。曰瓜他。兩島最大。此外尚有八島。物產豐饒。貿易最盛。每年出入貨價約二百餘萬兩。其地山青水澈。多名花異鳥。風景之佳。為海西群島之冠。

海地島。在古巴之東。東西約一千五百里。南北約五百里。明宏治五年。西班牙遣可命探尋新地。初抵此島。名曰義斯巴尼約。

後西班牙據其東偏。佛郎西據其西偏。多買阿非黑奴力作。年久繁衍。黑奴凡四十餘萬口。而佛人僅萬餘。佛人待黑奴寡恩。黑人怨之。乾隆五十六年。佛有內難。黑奴黠者約期同發。各殺其主。佛人萬餘殲。無遺。西班牙人居西偏者。亦逃竄別土。黑人遂推雄者為酋。佛以其窳遠。亦未暇西討也。地分六部。曰波爾德比。其都城也。曰加也斯。曰亞爾的波尼的。曰加不挨類。曰三的亞額。曰三多明各斯。道光二十二年。都城地震。壓斃數千人。其地物產豐厚。農作不力。每歲運出貨價。值二百七十萬。

兩。按阿非利加黑夷好畧賣人口。歐羅巴諸國以其憤而馴。能
力作競買為奴。迨歐人西辟亞墨利加諸島國。苦於土滿本
國流寓。不足以資耕作。土人又悍不受役。於是多買黑奴。驅
之墾畝。如牛馬然。葡萄牙尤以販買黑口為利。相沿數百年
矣。黑人雖混沌。然與歐人雜居日久。七竅亦已漸鑿。西葡諸
國待之有恩。故未生變。佛人性高亢。視黑奴如草芥。踐踏無
忌。黑奴之悄悄含忿。欲俾刃於其腹中者。非一日矣。一聞內
變。操戈並起。萬戶聚殲。不遺噍類。語云。蠶蠶有毒。信哉。近年
英吉利嚴申厲禁。以多金贖放黑奴為民。前後費銀數千萬

圓。且以兵船巡海上。捕販賣者。米利堅亦多所贖放。並於黑
奴故土買地安插。固兩國之好行。其德抑亦有懲於佛人。不
欲斂怨於異族。沽慈惠之聲。弭肘腋之變。其為謀誠深遠矣。
荷蘭屬島。在安的列斯者有七。地褊狹。無大權。每遇諸國兵爭。
不暇權稅。各島乘機販鬻。恒獲倍蓰之利。

連國屬島。在安的列斯者有三。近年效英。以釋放黑奴為德
政。瑞國有小島。在安的列斯群島中。曰桑巴多羅美。地褊狹。貿
易甚微。

按亞墨利加兩土。縱橫數萬里。海灣群島。一拳石之多耳。然
古巴海地兩大島。比中國之臺瓊。其餘各島。亦多腴壤。歐羅

巴人極意搜求。得片土即經營墾拓。遂使萬古窮荒之僻島。無不獻之精華。其能事曷可少哉。

此處為多欄空白或極淡文字，內容難以辨認。

地輿廣矣。重譯之外。耳目所不及。無稽之說。羣起而簧鼓之。欲折以理。無由也。松龕中丞治閩。政通人和。旁及柔遠之略。得泰西人所繪地圖。反覆詢譯。參以史錄所紀。訂其舛誤。閱五年。成瀛環志略一書。凡各國之沿革建寘。與夫道里風俗人情物產。成備焉。暇日出以相示。披讀一過。覺荒陬僻壤。無不如指掌。紋如燭幽寐。而又於奇奇恠恠之中。芟夷古今荒唐之說。歸於實。是以是歎見聞果確。理無不通。而公之不憚旁搜博採。積歲月。以為此書者。非公之好奇。正公之精於窮理也。慶偕幸與參訂之役。謹跋簡末。以志服膺。

道光戊申秋八月。會稽陳慶偕謹跋。

<p>一、瀟湘之北，曰湘水。水出嶺南，北流而注于海。其流也，洋洋乎，不可量也。其源也，浩浩乎，不可測也。其流也，洋洋乎，不可量也。其源也，浩浩乎，不可測也。</p>	<p>二、瀟湘之南，曰衡山。衡山者，南岳也。其山也，巍巍乎，不可仰也。其勢也，崢嶸乎，不可攀也。其流也，洋洋乎，不可量也。其源也，浩浩乎，不可測也。</p>	<p>三、瀟湘之西，曰長沙。長沙者，楚之都會也。其地也，沃壤乎，不可耕也。其物也，豐饒乎，不可食也。其流也，洋洋乎，不可量也。其源也，浩浩乎，不可測也。</p>	<p>四、瀟湘之東，曰洞庭。洞庭者，湖也。其水也，汪洋乎，不可測也。其勢也，崢嶸乎，不可攀也。其流也，洋洋乎，不可量也。其源也，浩浩乎，不可測也。</p>
--	--	--	---



江戶
板
金
文

